



Broj: KSI-1-14/21-3

Datum: 30.12.2022. godine.

Na osnovu člana 29. Zakona o sprečavanju sukoba interesa u institucijama Brčko distrikta BiH („Službeni glasnik Brčko distrikta BiH“, broj: 4/21), članu 20. Odluke o kancelarijskom poslovanju Komisije za odlučivanje o sukobu interesa Brčko distrikta BiH, broj: KSI-1-14/21 od 09.09.2021. godine i Odluke o izmjeni i dopuni odluke o kancelarijskom poslovanju Komisije za odlučivanje o sukobu interesa, broj: KSI-1-14-21-2 od 28.12.2022. godine, predsjednik Komisije za odlučivanje o sukobu interesa Brčko distrikta BiH, donosi

UPUTSTVO O IZMJENI I DOPUNI
UPUTSTVA/NAPUTKA
O VRŠENJU KANCELARIJSKOG/UREDSKOG POSLOVANJA
KOMISIJE/POVJERENSTVA ZA ODLUČIVANJE O SUKOBU INTERESA BRČKO
DISTRIKTA BIH

Član 1.

U Uputstvu/naputku o vršenju kancelarijskog/uredskog poslovanja Komisije/Povjerenstva za odlučivanje o sukobu interesa Brčko distrikta BiH, broj: KSI-1-14/21-1 od 30.09.2021. godine, član 26. mijenja se i glasi:

„Član 26
(Klasifikacione oznake)

Vođenje evidencije obavlja se prema klasifikacionim oznakama Komisije (u daljnjem tekstu: klasifikacione oznake), koje su razrađene po materiji i svrstane u odgovarajuće grupe, obilježene dvocifrenim brojevima od 01 do 17 na sljedeći način:

01- Zakoni, podzakonski i opšti akti

U ovu grupu spadaju sve vrste predmeta i akata koji se odnose na izradu prednacrt, nacrt a i prijedloga zakona i njihovo donošenje, kao i izmjene i dopune zakona, donošenje odluka o proglašenju zakona, izradu i donošenje podzakonskih propisa (odluka, uputstava, pravilnika i drugo) i izmjene i dopune tih propisa, autentično tumačenje zakona i drugih propisa, davanje stručnih mišljenja i objašnjenja u primjeni zakona i drugih propisa i opštih akata, objavljivanje zakona i drugih propisa u službenim glasnicima, odluke o pečatima, odluke i rješenja vezano za registraturski materijal, akti o davanju ovlaštenja i zaduženja i drugi predmeti i akti koji se odnose ili su u vezi s pitanjima iz ove grupe.

02- Rad i radni odnosi

U ovu grupu spadaju sve vrste predmeta i akata koji se odnose na opšte akte iz radnih odnosa, zasnivanje radnog odnosa, ugovore o radu, pripravnike, ostvarivanje i zaštitu prava iz radnog odnosa, zaštitu zaposlenika, disciplinsku i materijalnu odgovornost, radni staž i radne knjižice,

prestanak radnog odnosa, prestanak ugovora o radu, radno vrijeme, odmore, odsustva i bolovanja, stručno obrazovanje i usavršavanje, stručne ispite, zaštitu na radu, kolektivne ugovore, mirno rješavanje kolektivnih radnih sporova, štrajk, inspekciju rada, informacije, izvještaje, analize i druge materijale i druge predmete i akte koji se odnose ili su u vezi s pitanjima iz ove grupe.

03- Finansije

U ovu grupu spadaju sve vrste predmeta i akata koji se odnose na budžet, finansijske planove i fondove, završne račune i bilance, izvršenje budžeta, upravljanje imovinom, poslovna sredstva, prihod, troškove poslovanja, dohodak, plate, naknade, nagrade, fondove, kredite, kamate, osiguranje, devizno poslovanje, kreditne odnose s inostranstvom, finansiranje organa vlasti i drugih institucija, finansiranje društvenih djelatnosti i drugih institucija, nadzor na finansijskim, deviznim i drugim poslovanjem, osnivanje i rad banaka i drugih finansijskih organizacija, tijela za platni promet, osiguravajuća društva, inspekcijski nadzor, informacije, popis i rashodovanje opreme, izvještaji i drugi predmeti i akti koji se odnose ili su u vezi s pitanjima iz ove grupe.

04 -Javne nabavke

U ovu grupu spadaju svi predmeti i akti vezani za javne nabavke, postupak javne nabavke, tendersku dokumentaciju, odluke koje se donose tokom postupka javna nabavke, ugovori koji se zaključuju sa ponuđačima i drugi predmeti i akti, koji se odnose ili su u vezi s pitanjima iz ove grupe.

05- Pristup informacijama

U ovu grupu spadaju svi predmeti i akti vezani za uvid u spis predmeta, kopiranje dokumentacije iz predmeta, evidencije o ličnim podacima i uopšte pristupi informacijama shodno odredbama zakona koji reguliše ovu oblast i sva druga pitanja iz ove grupe.

06 -Izvještavanje javnosti

U ovu grupu spadaju svi predmeti i akti vezani za izvještavanje javnosti putem saopštenja, izvještaja, medijske komunikacije, poslanička pitanja i odgovori koji se odnose ili su u vezi s pitanjima iz ove grupe,

07- Međunarodna pravna pomoć i saradnja

U ovu grupu spadaju sve vrste predmeta i akata koji se odnose na izradu i zaključivanje međunarodnih sporazuma, ugovora i drugih akata, potpisivanje i ratifikaciju sporazuma, međunarodnu saradnju, međunarodnu pravnu pomoć, reciprocitet (materijalni i procesni), tehničku i drugu međunarodnu pomoć, saradnja sa organima i institucijama, informacije, izvještaji, analize i drugi materijali i drugi predmeti i akti koji se odnose ili su u vezi s pitanjima iz ove grupe.

08- IT-Služba

U ovu grupu spadaju sve vrste predmeta i akata koji se odnose na poslove vezane za aplikacije, ažuriranje i održavanje web stranice, mrežne usluge, objave na stranici i drugi predmeti i akti koji se odnose ili su u vezi s pitanjima iz ove grupe.

09-Postupak Komisije

U ovu grupu spadaju sve vrste predmeta i akata u postupcima odlučivanja o sukobu interesa, u postupcima provođenja prethodne i redovne provjere podataka iz podnesenih izvještaja o imovinskom stanju nosioca javne funkcije, te u drugim postupcima i poslovima u vezi s pitanjima iz ove grupe.

10- Plan rada i aktivnosti Komisije

U ovu grupu spadaju Plan rada Komisije, Plan provjere podataka iz Izvještaja kao i slični planovi iz nadležnosti Komisije koji se dostavljaju službenicima zaposlenim u Komisiji kao i

godišnje aktivnosti Komisije o poslovima iz njene nadležnosti, koje se izrađuju na godišnjem ili višegodišnjem nivou i drugi predmeti i akti koji se odnose ili su u vezi s pitanjima iz ove grupe.

11- Izvještaj Komisije

U ovu grupu spadaju Izvještaj o radu Komisije, koji se dostavlja Skupštini Brčko distrikta BiH, Izvještaj Tužilaštvu Brčko distrikta BiH o povredi Zakona koje može imati obilježja krivičnog djela, mjesečni, polugodišnji i godišnji izvještaji o radu od strane Službe Komisije, te slični izvještaji iz nadležnosti Komisije.

12-Mišljenja

U ovu grupu spadaju sve vrste predmeta i akata koje se odnose na davanja mišljenja nosiocima javne funkcije, kao i svim zainteresovanim licima sa ciljem sprečavanja povreda odredaba Zakona o sprečavanju sukoba interesa u institucijama Brčko distrikta BiH i pravilnog podnošenja izvještaja.

13-Uputstva

U ovu grupu spadaju sve vrste predmeta i akata koje se odnose na davanja uputstva nosiocima javne funkcije, kao i svim zainteresovanim licima sa ciljem sprečavanja sukoba interesa i pravilnog podnošenja izvještaja.

14- Edukacije

U ovu grupu spadaju svi akti i predmeti vezani za edukacije zaposlenih u Komisiji, obuke, prisustvovanja raznim seminarima, radionicama, prezentacijama, organizovanje prezentacija i obuka za nosioce javnih funkcija i svi drugi poslovi u vezi sa pitanjima iz ove grupe.

15- Sjednice

U ovu grupu spadaju svi akti i predmeti vezani za sazivanje, održavanje i odlučivanje na sjednicama Komisije i svi drugi poslovi u vezi sa pitanjima iz ove grupe.

16- Razno

U ovu grupu spadaju sve vrste predmeta i akata koji se ne mogu razvrstati u neku od skupina predviđenih pod brojem 01 do 16 ovog člana“.

Član 2.

Ovo uputstvo stupa na snagu danom donošenja i objavljuje sa na web stranici i oglasnoj tabli Komisije.

Predsjednik
Komisije za odlučivanje o sukobu interesa

Admira Mujić, dipl. pravnik